

أمنياتك يا ربعة (4) | الشيخ محمد خيري سلسلة في قصصهم

عبرة

محمد خيري

السلام عليكم ورحمة الله وبركاته الحمد لله رب العالمين له الحمد الحسن والثناء الجميل وشهاده ان لا الله الا الله وحده لا شريك له وشهاده ان محمدا عبده ورسوله. وبعد فاسأل الله سبحانه وتعالى - 00:00:00

ان يسددنا واياكم لما فيه خير ويجعلنا ممن يتأسى بهؤلاء الكرام مزاهيل حديثنا عن الكريم المبارك المرضى عنه من الله سبحانه وتعالى وهو رباع بن كعب قلنا ان ربعة رضي الله عنه ده كان شاب - 00:00:18

الصغير اه السن كبير المقام اه متسع الصدر ممتلى الفؤاد اه قذف الله سبحانه وتعالى في قلبه نور الایمان ولما آآ حب الاسلام وآآ قذف الله سبحانه وتعالى فيه الراحة - 00:00:43

قرر وخد قرار ان هو يقرب من النبي صلى الله عليه وسلم. يقرب من مصدر النور. يقرب من الهدایة وده امر مهم جدا لان في ناس كتير بيكون خد قرار - 00:01:04

ان هو خلاص عاوز يكون كويس لكن للاسف بيقع وبيقع وقفات وحشة قوي وبعيدة قوي والوقعات اللي هي مش وقفات يعني بيقع وبعدين يرجع تاني يكمل في الطريق لأ بيقع ويكمel في الطريق الایه؟ السيء دوت - 00:01:18

المشكلة فين بقى احد المشكلات او احد الاسباب لهذه المشكلات ان هو بعيد عن مصدر الضياء بعيد عن مصدر النور فبيكون الانسان كلما ابتعد عن النور ابتعد عن الصحبة الصالحة - 00:01:37

ابتعد عن الهدایة ايه اللي بيحصل السنة لما بيبعد خلاص انت انت ابتعدت عن محطة الوقود فبالتالي هتقع وعشان كده قلنا من مداخل الشيطان ومن خدع الشيطان على الانسان ان يورطك - 00:01:59

انك عما تغفلت يقول لك ابعد عن الناس الكويسة ابعد عن القرآن ابعد عن الحلقة ابعد عن مصدر الضياء. هنا ايه اللي يحصل خلا بك الشيطان واذا خلا بك الشيطان - 00:02:21

فاكيد انت عارف عافانا الله واياكم هيكون مآل ايه؟ الخلوة ديت ايه فربعة رضي الله عنه هو حاول بقدر الامكان يكون ان الهدف وان يقرب فقط من آآ مصدر النور. فعمل ايه بقى - 00:02:34

عرض ان هو يخدم النبي صلى الله عليه وسلم وراح والنبي صلى الله عليه وسلم قبل ان يقترب آآ هذا الفتى المعي من النبي صلى الله عليه وسلم. يقول وكتبت اخدمه - 00:02:55

نهاره كله فازا انقضى النهار وصلى العشاء الاخيرة واوى الى بيته اهم بالانصراف. طبيعي بقى اروح بقى شوف ايه وضعى والكلام ده وده سبحان الله في امهات كتير بتعمل كده يعني مسلا في امهات بتبعث ولادها عشان يتدرّب سباحة. صح - 00:03:10

وفي امهات ولادهم النادي عشان يتدرّب كورة قدم ولا حاجة اه في امهات يقدروا يودوا اولادهم ياخدوا كورسات اه لغات في امهات ببيودوا اولادهم عشان يتعلموا رياضة قتالية كونوا فوق الكاراتيه بتاع او الدفاع عن النفس. او اي حاجة تعود على الصحة - 00:03:30

الجسدية وده شيء جيد في المجمل وفي ناس بيعتوهن ان هم محتاجين ماديات وكده بيعتوا ولادهم يشتغلوا مع الناس اصحاب المهن وكده. او لو هي عازواه ابنه يتودك اكتر بينزل المصنع احيانا مع باباه ولا مش عارف ايه والكلام ده - 00:03:49

الشاهد ان كل واحد بينزل ولاده يعني فكرة ان احنا ما بننزلش لأننا بننزل ولادنا بنزلهم ايه يعني كان في احنا الاخوات اه كل شوية
تقول انا ما عنديش موعد ما عنديش وقت - 00:04:09

مش لاقية آآ الضغط الوقت ومش عارف ايه يوم من الایام حبت ابنها وولادها يتدرّبوا السباحة كانت تنزل وتنزل معهم بالسلاس
ساعات لغاية ما هما يخلصوا وشوفوا بقى طريق الطريق رايح جاي وبنات انت جبت الوقت ده كله منين - 00:04:25

آآ لا هي عشان هي مؤمنة وعندها الاهتمام ده الاهتمام بيجيب همة الاهتمام بيجيب همة انت اما بتهتم بحاجة بتجيب همة في ناس
اوائل على الدفعه بتلقيهم احيانا يتقابلو في مطعم ويأكله - 00:04:48

احيانا اوائل على الدفعات تلقيهم ممك يمارسو رياضة معينة هو بيجيبها وتلقي بقى الهوايات بقى اللي هي ايه كانت زمان جمع
الطوابع ومش عارف ايه انت عارفين الجامعات دول الناس دي - 00:05:07

في ناس لغاية دلوقتي عندهم هوايات معينة. طب هو بيمارس الهواية بتاعته امته بصوا يا جماعة كل واحد بيستطيع ان يجيب
وقت لكن لاهتماماته الاهتمامات بتلقي الاوقات شفتي انت حضرتك ما كنتيش لاقية وقت خالص خالص ولا فاضية لاي حاجة. مرة
واحدة بقى جروب الاستشارات ما شاء الله بقى واحد معزم ايه؟ وقت كتير من - 00:05:17

للنساء ونخش بقى وبتاع وجروب المطبخ وجروب مش عارف اللبس وجروب مش عارف آآ آآ حريات لازواجنا وآآ مش عارف فين
ففي حاجات كتير بتلقي ما بندور بتلقي في ناس الجماعة بتوعوت الريجيم - 00:05:43

ما شاء الله عندهم هتلقيه مشارك دلوقتي وداخل في خمسين جروب بتاع ايه الريجيم ومش عارف ايه وهنا طريقة ايه وده طريقة
عارفين انت الجماعة دول فكل واحد بيدور ويلاقى - 00:06:00

وبتلقيها بقى تلقي مسلا ايه خالتك عمتك باعنة لك رابط كده على اليوتيوب ازاي تعمل البسلة مش عارف آآ في كم وقت مش عارف
بدون ما تعمل ايه. طب انا ما لي يا خالتي وما لي يا عمتى انا بالبسلة والله هي - 00:06:15
هي لاقية وقت وقعد ايه في الحادة دي مرة كمان في شباب بيشتكوا مامتهم بتشتكى ان هم بيضيعوا وقتهم على النت فيقولوا لي هو
في نت اصلا ده النت كله خلصان - 00:06:32

اه ماما بتخلص المساحة اللي متاحة لنا فماما بتخلصها ازاي فقال ماما بتقعد حوالي من خمس ست ساعات على اليوتيوب. طبعا هي
اتجنت ازاي ومستحيل وكده؟ قال لها طب تعالى تعالى - 00:06:47

وراحوا مطلعين الموبايل قال شف حضرتك اهو على اليوتيوب الوقت قد ايه اللي بيتأخد وكله بقى اللي هو ايه؟ وصفات السعيدة
ومش عارف ايه ومش عارف ايه وخشونة الركبة. وازاي ترتب المطبخ وازاي تعمل كذا والدنيا جميلة. تيجي تقول يا جماعة -
00:07:06

طب ايه رأيك لو نعمل آآ لو حضرتك تشاركي كده ايه في لقاء مرة في الاسبوع ولا اتنين تتعلمي تلاوة القرآن رسالة الرحمن دي
تعلميها التي ارسلها الله اليك تعرفي. والله ما لاقية وقت وهجيب وقت منين والعيال ومش العيال والكلام ده كله - 00:07:23
أأ هو انا مش لاقي صدق بس لكن هو الوقت موجود. الصدق اللي مش موجود الصدق في اللي انا الاصل اصل دار الاخر. الصدق اللي
انا امللي صحيحتي بالخير دي ليست من اهتمامات - 00:07:42

كتير وبالتالي مش هتلقي وقت فهو ربعة نلاقي وقت اه هو لاقي وقت زي ما كتير لاقي وقت فيه بقى امهات يعني كنت في حديس
كده من حوالي آآ تمانية واربعين ساعة او اقل - 00:07:56

ناس في اقصى بلاد الله خارج اللي بينك وبينهم قارتين مسلا شوفوا يا جماعة عاززين ينقولوا من بلادهم دي ويسيبوا يعني الاخت
هتسبيب زوجها وزوجها هو اللي بيقول عاززين الاولاد يسافروا - 00:08:18

وزوجتي تsofar ويقعدوا ست سبع شهور في المكان ده وبعدين يرجعوا على الامتحانات وانا احاول اربط لهم الحاجات اونلاين
ويخشوا الاختبارات اونلاين بس انا عاززهم ان في خلال السنين دول يحصل معهم واحد اتنين ثلاثة اربعة وعاوزهم ان هم يتمسكوا
باللغة اكتر وبالدين اكتر ومهارات الحياة اكتر - 00:08:39

طب وهيتنتقل فين ؟ هو مسلا مسلا في في القاهرة ساكن في في مصر ساكن في الاسكندرية. لا هيروح ينقل مسلا في شبين هينقل في القاهرة ينقا في النقاية هنا في المنصورة له ؟ لا، فـ مـكـاـنـهـ هـنـاـ مـمـكـ، بالـاقـ فـيـهـ حدـ بـتـابـعـهـ 00:08:59

انتم عارفین ان في ناس عايشة كده وسطينا وكتير منا دلوقت بيمني ان هو بروح للفردوس الارضي ده ويقول لك احنا بقى ده

سافر کندا ده راح استولاریا ده هو في امريكا ده مش عارف ايه الكلام ده - 00:09:15

الناس راجعة يا جماعة فالشعور ده انا باحبي هؤلاء الاباء وتلك الامهات وهو لاء الاولاد بيكون عندهم الشعور ده انا في يوم من الايام

كان في شباب مولودين في امريكا ومعهم الجنسية - 00:09:29

والشباب دول جم على تالتة اعدادي كده تانية اعدادي. اه نزلوا مصر وبينزلوا على الامتحانات فقط هناك يعني فكان في واحد منهمانا ادعاهه يعني، واسمها عبدالرحمن، واهزر معه. اقول، له يا عبدالرحمن؟ ده الناس، كلها عاوزة تيم.

فهی روح ضاھک کدھ بھوا، ل، و اضع دین، با شیخ اضع دین، - 00:09:49

بقول له انت انت كنت ممکن دینک یضیع اقل من غصب عنی ومش مش وانا واحد بالی الكلام ده کان بیقوله لی یا جماعة و هو في

اولی اعدادی الكلام ده کان بیقوله لي وهو في اولی اعدادی - 00:10:09

فرينا يحفزهم ويسبّبهم $\text{ا}\text{لـ}$ وممكّن سبّان الله الانسان يسكن عن في المدينة المنورة $\text{و}\text{ا}\text{لـ}$ وما يكونش كوييس ويسكن في تل ابيب

ويكون صالح. بس في الآخر انا متعبد ان انا اخذ السبب - 22:10:00

مدى النسبة ايه؟ العب على الاستثناءات ديت فنسال الله ان يسترنا في الضرائب. الامهات دي اللي هي ام ربعة والبيت اللي كان فيه

ربيعه وهمه ربيعة دي احنا محتاجينها يا شباب محتاجين انك النهاردة انك تاخد بالك مش تبقي نازل - 00:10:35

النهاردة انا نازل اصلي الفجر الساعه اربعه وخمسه انزل اصلي الفجر الاقي فيه شباب ۱۱۱ اعرفهم يعني شباب تانية اعدادي وتالتة

اعدادي ايه يا شباب رايحين فين؟ عندنا درس الساعة اربعه - 00:10:52

يعني عشان الساعة اربعه بينزل ينزل مش عارف الضهر وينزل مش عارف ايه. تيجي تقول لهم بقى طب والفجر

فین ؟ والله بقى ضهري وواجعني ومش عارف ايه. طب صليت العصر في المسجد؟ طب مش عارف - 00:11:04

في لا ما فيش. طب فيه وقت للقرآن؟ والله انا في سورة الايه؟ خلاص انا فالحمد لله خلصت النساء. انت لسه في النساء في ناس

خلاص خاتمة الاولى وداخلة في الثانية يا حبيب قلبي انت وهو - 00:11:16

فالشعور ده انا بخلّي ولادي على فكرة ولادنا يا جماعة همّتهم زي همة السلف الصالح وقد تكون اشد بلاش كلمة قد تكون اشد زي همة

السلف الصالح بس احنا دافعينها في الدنيا - 00:11:28

شوفي ابنك بيقرأ عدد ساعات قد ايه وبيزاكر عدد ساعات قد ايه بيحضر دروس قد ايه في الاسبوع الواحد كمية المعلومات اللي

بیحضرها و بتاع والنهارده لو حضر درس واحد بس کتیر و مش درس شرعی یعنی. کتیر و بتاع ویلاقی وقت منین و کده لاؤ هو لاقی

وقت - 00:11:42

الاحياء ويلاقى وقت للكيميا ويلاقى وقت للانجليزى ويلاقى وقت لكل حاجة بس مش وقت وكل الحاجات ديت حلوة عادي جميلة

قوی اه بس الحاجات دی کلها یا جماعة لازم تبقي انت عارفه دی نهايتها ايه؟ یعنی الحاجة دی هتنتهی امتي؟ وهتنتهی فين -

فی علم ما ح

في علم يا جماعة لو انت درسته احنا هبتعنك دلوقي بعسه هولندا وتحيل يعني ان انت هتروح هولندا. هولندا دي في حمس حاجات

00:12:17 هندرسها في حاجتين منهم لو درستهم هترجع مصر تستغل في الشهربعشر لاف دولار -

والتات حاجات لو نحخصت فيهن التاييin رابي في مصر الف ونميمية جينيه تاني تاني المسال ولا الدنيا واصحة؟ احنا هنبع

دلوقي وهنبعت حصرانكم كل اللي بيسمعوني دلوقي هنبعقولهم بعثه لهوندا - 36:12:00

خلاص؟ ما تخرجش بقى في الورد وتقول هيبيعتنا دولة كافرة عدي النقطة دي فهنهبعتكم البعثة دي فيه خمس علوم

تدرسواها تخصصوا فيها في منهم علمين ألف وبه لو تخصصت فيهم ودرستهم في الست شهور دول او في السنة دي هترجع مصر

في الشهر العلوم الثانية لو درستها واتخصصت فيها هترجع مصر تشتغل بالف وتنمي جنديه هل في مساحة انت تتناقش وتختار ولا نفس المجهود بالمناسبة نفس المجهود والعلوم كلها براحتك عاوز تأخذ دي او دي او دي هتختار - 00:13:18

طيب انت اخترت العلم واخترت التخصص اللي اسره ممتد في المستقبل اللي جاي صح انت شف بقى وقتك ووقت ولادك انت دلوقتي شاغلهم بالاسر الممتد بكرة قد ايه ؟ انا بكرة هدخل تربتي وحضرتك هتدخل تربتك وكلنا هدخل التربة وهدخل - 00:13:40
قبرنا وهنروح نقابل ربنا. ايه السؤال بقى انت دلوقتي اخترت الف وباء ولا اخترت جيم ودال وهو ده في ناس اختاروا سين وصاد فنسأل الله لنا ولكم الستر وسائل الله سبحانه وتعالى ان نحفظ ان يحفزنا و يجعلنا سبب لحفظ دين ولادنا - 00:14:04

وفلاح ولادنا في الآخرة فالمعنى ده مهم جدا مش شرط العلوم الشرعية بس اللي ممتد اسارها في الآخرة. لأن العلوم الدنيوية لو اتحققت بنية اخوية ماشي الكلام ده مهم جدا يجي واحد يقول لي طيب احنا مش لاقين حاجة او انت كنت لاقى مدرس - 00:14:26

اه جغرافيا او انت كنت تلقي انا ايامي انا كنت بقى كان في حاجة اسمها المستوى الرفيع كانت حاجة كده ما كاتش رفيعة خالص يعني بس كان اسمه كده المستوى الرفيع. كنا كمان اقتصاد وكده. هو كان في حد بيدرس اقتصاد؟ الناس كانت بتجيب واحد من تحت الارض يدرس بتجيبيه - 00:14:46

والاتنين دول واحد فاحنا بندور وبنلاقي انت حضرتك بنتك خدت الماني ولا خدت صيني على الجديد ده النهاردة بينزلوا اللغة الصينية بتجيب حد يدرس صيني انت كنت تعرف حد في المنطقة بتاعتك بتعصيني - 00:15:02
انت تعرف الصيني والنيش والكلام ده لكن لغة صينية ما تعرفش. انت تعرف الصيني دي ماما موجود عشان ماما تنزل وتشوف الصينيين دول عاوزين منك ايه جبت الناس ؟ اه عشان دي اهتماماتك - 00:15:16

دي اهتماماتك. النهاردة الزوج والزوجة بيرتبوا ان يسافروا فين اربعة وعشرين ساعة طيران واربعين ساعة طيران. ليه ؟ يروحوا بلاد في اقصى الدنيا كلها ليه ؟ عشان امورهم تتطلب دنيويا وتحسين الدخل المادي - 00:15:29

جميل امر مباح في النهاية امر حاجة مباحة يعني ازا كان طيب ليه بقى ما بنعملش الحاجة ديت للاخرتنا ربعة رضي الله عنه اللي خلانا نستطرد قوي كده ان الموقف بتاعه ده يحفظك - 00:15:45

امتنى يكون ابنك ده وقف لخدمة الاسلام امتنى يكون ابنك ده تبقى عندك مشروع انا بياهي بي الملاكية بياهي النبي صلى الله عليه وسلم بياهي بي آآ على المحشر ان شاء الله والله سبحانه وتعالى بياهي بهؤلاء. ليه ابنك ما يكونش وقف - 00:16:05

لابنك النهاردة زي ما احنا بنعمل حاجات كتيرة جدا انا اعرف احد الافاضل عمل مستوصف طبي طيب ليه ؟ يقول لي عاوز اشغل ولادي بخير ومسكهم انت عندك الحسابات وانت عندك كذا وانت عندك كذا وغرقهم في الموضوع ده. وببرضو بيدرسوا حياتهم الدنيا عادي والدنيا ماشية - 00:16:23

بس بيقول لي انا حبيت اربطهم برسالة اذا هم مشغولين بها ليل نهار هو راجل سري و بتاع. فزي ما ممكن يعمل للناس ديت يجيب له عربية ينشغل بها. هو جاب له حاجة برضو وهيللاقي فيها شعور بالانجاز وان هو بيدير والكلام ده - 00:16:41

فيعني الله سبحانه وتعالى لا يرد صادقا. طب وولادي كبروا وانا ما ربطهم بالتربيه وانا فهمت غلط و بتاع متأخر. احفادك بقى آآ اولاد قرايبك ايا كان بقى اتحرکوا فالصادق ربنا هيفتح له الابواب وهيدله ان شاء الله - 00:16:58

فيبيقول فانا كنت آآ اخدم النبي صلى الله عليه وسلم وهو يصلى العشاء انا اروح انا لكتني ما البس ان اقول في نفسي الى اين تمضي يا ربعة؟ هو انت رايح فين يا ربعة؟ - 00:17:17

يعني سبحان الله طب ما انا طول اليوم مع النبي انا رايح انا رايح اقضي مصالحي بقى رايح ايه عادي بقى حياتي يعني امارسها فيبيقول انا بدأت نفسي تقول لي ايه - 00:17:34

الى اين تمضي يا ربعة؟ فلعلها تعرض لرسول الله حاجة في الليل تقول له انت رايح فين يمكن النبي صلى الله عليه وسلم يحتاج

حاجة بالليل فما يلقيك انت ساهم في كنانة محمد - 00:17:48

بس يعني يطلب حاجة يلقيك على طول فاجلس على بابه ولا اتحول على عتبة بيته. بيقول بقى كان الشعور ده يجي لي فاروح اقول ايه. طب انا اروح ليه؟ طب ما هي نومة بنومة اه. طب ما خليك قريب منه - 00:18:06

اسعى اما يصحى يلقيني جميل او ي يا جماعة انك تكون كده مع الاسلام انك تكون كده مع فريق متطوع او فريق مجتمع على خير او خدمة دين الله سبحانه وتعالى او يقدم خدمة للمسلمين - 00:18:20

آآ لها نية انك تقول كده الى اين تمضي يا محمد؟ الى اين تمضي؟ يا فلان الى اين تمضي؟ يا ناخد او يا هند يا مروة. انت رايحة فين فلعلها تعرض للإسلام حاجة - 00:18:34

في ليل او نهار خليكوا قريبة خليكوا قريبة من آآ آآ نداء الاسلام لما تلقي كده يا خيل الله اركبي تركبي على طول. تسمعى النداء تتحركي تسمعى ان ده احنا بنعمل حاجة للفقراء تتحركي. النهاردة بنعلم الایتام دينهم وعقيدتهم تتحركي. النهاردة مجمعين كبار السن وبنحاول بقدر - 00:18:47

كان نحبهم ربنا سبحانه وتعالى ونحبهم في اللي باقي من عمرهم ويأخذوا انطباع ايجابي عشان يقبلوا على الطاعة فيكون انا ممن عسل ساعد في هؤلاء ان الله اذا احب عبد عسله. قالوا وما عسله يا رسول الله؟ قال ان يوفقه لعمل خير يقبض عليه - 00:19:10
في واحد من الشباب كان بيقول لي انا عندي مشروع اسمه مشروع التعمسيل ده بيقول لي انا الصاد كبار السن اللي في المساجد وفي المسنين واحاول اصطاده كده واطلعله من الايه؟ الجو اللي اللي هو فيه. واحاول اقربيه اقربيه من اي طاعة. امسك ده امامه ازان المسجد - 00:19:30

وامسك ده آآ مش عارف ان ده اللي نصف يوم الخميس وآآ ويقول امر على ده وانزله بالليل اقول له يلا يا عم وبيقول لي على فين؟ اقول له بس انا مستنيك اركب العربية معي معي - 00:19:49
آآ عشر شنط كده نروح نوزعهم. يا ابني انا تعان لآ ازاي وانت لك نزرة برضه كده في الناس وتقول لي ده يستاهل وده ما يستاهلش؟ يقول لي يا راح حركهم - 00:19:59

الكبار دول انهم ايه؟ يقبلوا على الله سبحانه وتعالى. فسبحان الله في ناس شغاله واعمال بسيطة قوي. يعني لا محتاجة بقى نجمعهم في جامع ولا نجمعهم في درس ولا نجمعهم كذا. اعرف واحد من الشباب يقول لي هو تاجر يعني - 00:20:09
وله آآ بقى ايه يعني هو برضو له زمايله تجار وولادهم بقى ناس بقى يعني عارقين في التجارة وكده فبيقول احنا عاملين لقاء كده ايه شهري هو زاهرا ان احنا - 00:20:26

نجتمع في بيت واحد منهم. يعني النهاردة نتغدى هنا الشهر الجاي اه هنجتمع في فيلة الثاني مش عارف ايه كده بيقول لي هو الهدف اجتماع ظاهرا اجتماع لكن حقيقته ان انا بذكرهم بالدار الاخرة اذكرهم بالجنة اذكرهم باي حاجة يعني اشوف اي موقف كده افتعل ان احنا ايه نذكر بعض بالله - 00:20:36

اقول حكم من احكام التجارة ان احنا بنقع فيه كلنا. فيقول الناس بفضل الله بقوا بيعملوا هم لوحدهم الخير وبدأوا يعملوا كل واحد يعمل مبادرة لوحده وبدأ وكل واحد يطلع جزء من ماله وقف اللي يطلع ثلاثة في المية واللي يطلع واحد في المية واللي يطلع اتنين ونص في المية - 00:20:58

معاني جميلة قوي اللي شغالين عشان كده بأكيد على اما بتكون صادق ربنا بيسير لك امرك. يعني اما بتكون صادق يعني في شاب في اولى اعدادي عندي في الحي مرة اتصل بي - 00:21:16

قال لي هو حضرتك معك تمر فما فضول عندي كده فبيقول له ليه بتسألني يا عمر؟ عاوز تمر؟ قال له اصل انا مجمع كده زمايلي وآآ بعد الدرس كده قلنا ايه ان - 00:21:27

آآ كل واحد جاب من مصروفه وروحنا آآ جبنا اربعة كيلو تمر وحطيناه في اكياس كده عشان نفطر الناس بس للاسف لسه في اكياس كتير والتمر مش معنا فلوس ان احنا نجيب يعني - 00:21:40

فقلت بقى اكيد حضرتك عندك تمر ولا كده نمر ناخد من عندك تمر اهو شاب في اولى اعدادي وهو وزمايله بس يشغلوا بعض بعد
الدرس. وشباب يعني مش معروف عنهم ان هم يعني بقى ايه آآ - 00:21:52

الناس الصوامة القوامة اللي قاعدين لا لا الشباب عادي جدا جدا بيروحوا يلعبوا كورة ويروحوا يعملوا كذا ويعلموا كذا بس رجاله
رجاله تلاقاهم يوم الجمعة بدري يروحوا الجمعة ينضفو المسجد وبتاع والكلام ده كله ويبعدوا الناس عشان الايه التباعد -
00:22:07

معاني كده ايمانية ان ابنك ينتمي لهذا الدين دي حاجة حلوة اوي اوي فيقول فانا قلت لنفسي ايه اللي انت بتعمله يا رببع ده فاجلس
على بابه ولا اتحول عن عتبة بيته - 00:22:23

وقد كان النبي صلى الله عليه وسلم يقطع ليه قائمها يصلى. بيقول كان النبي صلى الله عليه وسلم بالليل بقى يقيم الليل قبل ما يناموا
كده فربما سمعته يقرأ بفاتحة الكتاب فما زال يقررها هزيعا من الليل صلى الله عليه وسلم. يعني شطرا من الليل. نص الليل وقيل
نصفه - 00:22:41

الفاتحة قعد يكررها. ايه الفاتحة دي فيها ايه؟ عشان النبي صلى الله عليه وسلم يكررها الفاتحة دي يا جماعة اه انا بسمها امواج
التدبر امواج الفتوحات. عارفين موج البحر؟ ما بيقفش - 00:22:59

هي الفاتحة برضو ما انت واقف قدامها قاعدة تهف عليك وتنفحك نفحات طول ما تعرض قلبك لها هتلاقيها ايه
رايحة جاية وتديك آآ كل كل ايه؟ مش كل يوم. لا كل ركعة بتصلி فيها بتقرأ الفاتحة تروح ايه؟ لاطشاك واحدة. عاملة
زي موج البحر بالضبط - 00:23:15

طوب كده بتبقى واقف قدام موج البحر ومستمتع وكل شوية تعمل سيلفي كده طب استنى استنى الموجة اللي جاية دي هي كده
برضه الفاتحة. الفاتحة كده معك اللي يعيش معها. واسأل الله سبحانه وتعالى ان يرزقنا وقت نبقى نعلق عليها يعني - 00:23:38
فيقول فما زال النبي صلى الله عليه وسلم يكررها هزيعا من الليل حتى امل انا فاتركه او يغتسل يعني فانام. بيقولوا لدرجة ان ده
من الكراهة لغاية ما يروح في النوم. وبعدين يعني - 00:23:55

ما هو يا جماعة حسب القلوب كلما اتسعت كلما غرفت هو قال بالنبي صلى الله عليه وسلم متسع فيعرف فييأخذ وهي
العطاءات دي كل واحد بيأخذ على حسب الاناء اللي داخل به - 00:24:10
انا النهاردة عازمكم كلكم في مفتوح عندنا في المسجد مسلا حضرتك داخل معك ايه؟ او اقول لكم دلوقتي كل واحد احنا مش
معنا طباق يا جماعة كل واحد هياخذ في الحاجة اللي جاي بها - 00:24:24

حضرتك جايب شوكة بالاستيك معك هتاخد على قدك في واحد تاني بقى داخل معه انا معه كده زي كوبایه هياخذ على قده في
واحد معه حلة في واحد معه برميل في واحد معه كونتيرن - 00:24:35

ده جاي هياخذ ايه بقى هو كده برضه في ناس بتقبل اه على على الخير زي في واحد بيقبل على التراويح معه معلقة شوكة بيأخذ
كده يا دوب بيتدخل كده - 00:24:52

وفي واحد داخل ده ده مع يعني يا جماعة الاذان نفسه خطف خطفه. مع الاذان كده وهو بيقول الله اكتر وهو مستحضر كده ان ربنا
اكبر وان شرع ربنا كبير وشوفوا السيطرة بتاعة رمضان وشرع تمكنا الكلام ده من سطوة القلب. معاني بقى - 00:25:06
كبيرة قوي فده داخل من اول الصلاة من اول الاذان ده لاقط الدنيا ملقطة معه وجميلة اوي يعني في واحد بيقول لي النهاردة العصر
عارف من عيوب الكمامه ايه؟ فبقول له ايه؟ قال لي بتحرمك ان اللي قدامك ما يشوفش ابتسامتك. اللي النبي قال وابتسمتك في
وجه اخيك صدقة - 00:25:27

واحد بيقول لي بقى ميزتها بقى ان هي بدأت تدربني على ابتسامة العيون فبحاول بقدر الامكان اللي انا ابتسم يعني. لان هو مش
شاييف ايه آآ في ناس كده اه في ناس كده - 00:25:46

دي ناس مركزه طبعا بابتسامة العيون دي البنات مع البنات والرجاله مع الرجاله عشان كلامي ما يتفهمش في غير سياقه فيقول فانا

كنت اقعد قدام النبي صلى الله عليه وسلم - 00:25:59

فتغلبني عيني يقول وربما سمعته يقول سمع الله لمن حمده. فما زال يرددتها زمنا اطول من ترديده لفاتحة الكتاب وقد كان من عادته صلى الله عليه وسلم انه ما صنع له احد معروفا الا احب ان يجازيه عليه بما هو اجل منه. دyi - 00:26:14

مع عبادة دي عبادة من عبادات الكبار ودي اخلاق الكرام في ناس كده ناس تقيلة بعد كده يقول لك فلان ده تقيل وعندها لأ ده منصبه عالي قوي. فيه ناس كده في الاخلاق عاليين اوyi - 00:26:36

فلما حد يجي في يوم من الايام يصنع لك معروف على فكرة المعروف ده ممكن يكون باللسان ممكن يكون معروف او معنوي هو بيقول ايه بقى من عادة النبي انه ما صنع له احد معروفا الا احب ان يجازيه عليه بما هو اجل منه - 00:26:54

معنى مهم قوي وفيه يا جماعة انواع من المعروف مش هتتعرف تردها انت لو دنتك طول عمرك واقف على باب اللي عمل معك المعروف ده خلاص مسلا على سبيل المسال - 00:27:16

انت ما كنتش من اهل الاستقامة حضرتك ما كنتيش من اهل الاستقامة و كنت في في مكان بعيد اوyi. خلاص في واحدة ربنا سبحانه وتعالى ارشدها وجعلها سببا في هدایتك دي صنعة ليكي معروف - 00:27:30

انت عارفين المعروف اللي عملته لك ايه معروف يا جماعة انك ممكن تخشى الجنة بدون حساب معروف انك ما تشوفيش النار معروف معروف ان بدل ملائكة سود الوجوه كانت هتدخل ملائكة هتبين الوجوه - 00:27:47

بدل ما يبقى القبر يضيق عليك ان القبر يكون روضة من رياض الجنة؟ طب المعروف ده هترده ازاي عشان كده يا جماعة لو ظللت طول عمرك آآ حاسس ان في جميل - 00:28:01

انت مش قادر تسد للرموز والافاضل اللي بينوا لنا الحق وعلمنا عشان كده يا جماعة وانت بتتكلم على اخطاء الكبار لازم تكون مؤدب ده مش معنی كلامي انا ما بقولش ما تردهش انا بقول اهو بتكون مؤدب. يعني تقول بس يكون فيه رقي - 00:28:19

في ناس كده بتحس ان هي منفستة في ناس كده بتخلص عيوبها النفسية في الرد على حد من الايه الفضلاء تلاقي كده ايه يعني احد الفضلاء قال كلام خلاف الاولى فقهيا - 00:28:40

تلaci طريقة الردود وطريقة التعرية. ده الخطأ دyi مش طريقة نبوية دي مش طريقة الوحي ده مش الرقي والادب ولا بعيد بقى عن الكلام ده كله ولا ده رد انسان يشعر ان هؤلاء لهم جميل عليه - 00:28:55

ونفس الكلام بقى الرد على الام آآ طريقة الكلام مع الام. طريقة الكلام مع الاب انت ما تعرفش ابويها عمل فيا يوم والله خرجوك مسلمة يكفي ان مامتك خلتك تعرف ان في حاجة اسمها صلاة قومي صلي يا بسنت - 00:29:13

يكفي ان باباك عرف حبيب قلبي ان ده عيد ما ينفعش تعمل كذا. اتق الله في حاجات كتيرة جدا اه غلط ربنا يهدينا ويهديهم بس اواعي تنسى الجمايل الكبيرة في اخطاء ضخمة وقعوا فيها اه بس في حاجات كلية - 00:29:26

ما تنساهاش فكان من عادة النبي ان اللي يصنع ليه معروف يرد له صلى الله عليه وسلم يقول وقد احب ان يجازيني على خدمتي له. ما انا قاعد اخدمه فحب ان يزيني - 00:29:44

طب يا جماعة ربى خدم النبي صلى الله عليه وسلم والنبي شافه فحب يخدمه فمن سيرد المعروف الذي يفعل تجاه رسول الله وسنة رسول الله بعدما مات رسول الله - 00:29:59

يتولى صناعة المعروف لك رب محمد رب النبي صلى الله عليه وسلم. انك النهاردة انت ممكن تبقى زي ربى وتبقى واقف في خدمة سنة النبي صلى الله عليه وسلم وسيرة النبي صلى الله عليه وسلم ومهتم ان كل اللي حواليك يعرفها - 00:30:16

وينشغل بها ويطبقها ويطبق تبقى مسيرة هؤلاء منطلقة من سيرة آآ السراج المنير صلى الله عليه وسلم. وهو بيقول احب ان يجازيني على خدمتي فا قبل علي ذات يوم وقال يا ربى بن كعب - 00:30:38

قلت لبيك يا رسول الله وسعديك لبيك يعني ايه سمعا وطاعة وسعديك يعني اسعدك الله اسعدنا ده اسعد في يا جماعة كلمات كده في اللغة جميلة يعني شف احنا كمسلمين اما تيجي تقول لواحد ايه افضل - 00:30:53

يعني فيردها يقول لك ايه؟ زاد الله فضلك. نقدر فين؟ شفت الكلمة العفوية دي زاد الله فضلك. نقدر فين فكلام جميل كده تحس ان انت اه اه احنا كمسلمين اما بنستعمل الالفاظ الجميلة ديت - 00:31:14

بتلاقي وده لسه في البداية وبيدعي لك. فتلاقي معنى رائع جدا يعني قال لبيك يا رسول الله وسعدتك قال سلني شيئا اعطا لك فهو طبعا سؤال غريب اوبي. ربعة ده يا جماعة شاب بسيط فقير - 00:31:30

عاوز يتجوز اه سكن بتاعه متواضع. فقدر يدرها في دماغه كده. انا عاوز سكن وعاوز زوجة وعاوز بيت وعاوز. عاوز حاجات كتيره قوي روبيت قليلا اتأخرت شوية كده قاعد امال احسبها يعني واتفكر - 00:31:53

فقال امهلي فقلت امهلي يا رسول الله لانظر فيما اطلبه منك ثم اعلمك جميل اوبي يا جماعة انك تدربوا ولادكم وتدربوا الشباب تتدرب انك ازاي تعرف ترد مش عاوز ايه؟ آآآ تجيب لي شاحن ايفون - 00:32:12

يا بتهدا يا ابني انا كنت هاديك حاجة كبيرة قوي. انت زنقت نفسك زنقة وحشة ليه كده؟ انت ما كنت تفكري عشان كده جميل انك تطلب تقول له طب ممكن استأذن حضرتك ان انا تسيبني خمس دقايق افker - 00:32:30

اه وانت تعلم الناس يا جماعة دربواهم على كده ضربواهم على كده. يعني واحد الملاطف سمعت وان الواحد لازم يدرب اولاده على الكلام دوت وازاي يتكلم مع الكبير مش يجي كده مسلا يقول انا عاوز اسأل الشيخ سؤال يقول له افضل يروح ماسك السماعة - 00:32:47

ايوه ، هو ليه كزا كزا ؟ يا ابني فين ؟ سلام عليكم. ازاي حضرتك ؟ انا باستمتع جدا بدرس حضرتك. اسأل الله سبحانه وتعالى ربنا يحفزك وبارك فيك. خليك كده - 00:33:07

مؤدب كده كنت بكلم شاب كده صغير من فترة كده عنده تسع سنين فاول ما دخل قال لي السلام عليكم ورحمة الله انا بحبك في الله جدا وانا مستفید جدا منك - 00:33:17

هو كده فتح السكة يضحك بقى علي بقى ايه كده خلاص يعني ايه جاب لي لمس كتاف يقول لي اي حاجة انا اكيد هتجاوب معه ما هو ابن الاول ضحك علي - 00:33:28

يعني اقصد ضحك علي يعني ايه ضحك مباح يعني قوي انك اللي قدامك ده ازاي تعرف تتكلم معه فقال امهلي يا رسول الله فقال النبي لا بأس عليك وبقى مش ضغط لأ ده الوقتي انا وهو خلاص العرض هيقولت منك لا لا سيب المساحة - 00:33:36

شوف هو بيقول ايه بقى و كنت يومئذ شابا فقيرا لا اهل لي ولا مال ولا سكن كان ممكن يا جماعة يعمل حاجات غلط وده انه يبرر لنفسه انا مش لقيت حد لانه ما حدش حاسس بي. عارفين الاخت اللي متوجزة دلوقتي وعندها خمس عيال؟ وكل شوية - 00:33:59

انها تعيط مع اي خدش. ايه يا بنتي في ايه؟ انت مش حاسين بي؟ انا امي ماتت وهي في ايدي. تيجي تدور على القصة؟ ويقول لك اه مامتها ماتت من حوالي سبعاشر سنة وكانت - 00:34:16

هي اللي معها في المستشفى وانا ما لحقتش استمتع بامي وانا مش عاوز ايه؟ انت هتدنك في الحنة دي؟ انت جبها على فكرة. ميزة الحنة دي ان اسمها كعبه الضحية. وطوفي بقى حواليها بقى - 00:34:26

وكل اما حد يروح يعمل اي حاجة تروح على طول ملتزمة ليه؟ الملتزم بتاع الباب ده وتمسك بقى فهو كان ممكن كعب يقول كده في اتنين والدهم مات واحد شاب صغير هما الاتنين كانوا صغيرين يعني - 00:34:38

فواحد منهم بقى ميكانيكي وابتلي بشرب الاليه؟ المسكرات وكمه طبعا المشكلة ليس في الميكانيكي هي مهنة في الآخر خالص حلال اسأل الله ان يرزق الجميع الفكرة فين؟ في شرب المسكرات يعني - 00:34:56

الثاني ربنا فتح عليه وبقى متخصص في الفيزياء يعني بقى ايه حاجة كده من الناس الفريدة جدا في الفيزياء يعني فالاتنين اتسألا واحد بيقول له انت ما شاء الله بقى كده ازاي - 00:35:11

قال انا لما والدي مات عرفت ان انا بقى مسئول فشلت الحمل كله وركزت الثاني قال له انت ايه اللي وقعد في المسكرات؟ قال له

انا ابوياما مات وما لقتتش حد يهتم بي - [00:35:23](#)

شفتم هم اتنين اهم نفس الموقف ونفس كل حاجة ده بص على المشهد ازاي؟ وده بص على المشهد ازاي ده شايف ان هو ما لوش اهل. قال لك خلاص يبقى اهل الصالحين. قرب من النبي صلى الله عليه وسلم ويبقى هو اهلي. انا ما ليش مال وما ليش سكن. سكتني خلاص يبقى قريب جدا من النبي - [00:35:35](#)

صلى الله عليه وسلم ايه المشكلة عما اسكن في المسجد بدل ما اسكن فين؟ في وسط الجبال ووسط الاماكن الوحشة مع الشباب مش كويسيين. ما ليش اهل. اهلي هيبقى ابو بكر وعمر وعثمان وعلي وطلحة وهؤلاء - [00:35:52](#)

وانما كنت اوي الى صفة المسجد مع امسالي من فقراء المسلمين وكان الناس يدعوننا بضيوف الاسلام. فاذا اتي احد من المسلمين بصدقة بعث بها النبي صلى الله عليه وسلم علينا - [00:36:03](#)

يبيقول فحدثتني نفسي ان اطلب من النبي صلى الله عليه وسلم شيئا من الدنيا اغتنى به من فقر واغدوك الاخرين ذا مال وزوج وولد يقول فحدثتني نفسي ان اطلب من النبي صلى الله عليه وسلم شيئا - [00:36:16](#)

خيرا من ايه؟ من خير الدنيا اغتنى به من فقر واحذك الاخرين. نفسي يبقى زي ايه؟ زمايلي ودي من ضمن الحاجات يا جماعة اللي بتبهلكم نفسيا. انك دايما تقارن نفسك بغيرك - [00:36:39](#)

بتقارن نفسك بغيرك لازم تقارن نفسك بنفسك قارن نفسك بغيرك دى خالص انك ادي انك تبص لغيرك ده جابت عربية ده باباها جاب لها موبایل ده مش عارف ايه ده راحت فين ده انت ليه داخل نفسك في الكلكعة دى - [00:37:01](#)

طول ما انت في الكلكعة دى هتتعجب ده هو بينطق انجليزي احسن مني ده فاهم في مش عارف ايه احسن منه. ده مش عارف ايه الكلام ده كله ما بتشغلش بالك بالكلام ده. انت حط لنفسك اهداف وحاول تسعى لها. هو ده نافس نفسك - [00:37:19](#)

ما تنافسش بس نافس نفسك وتكون لك اهداف كويسة يعني مش نافس نفسك وتكون قاعد وتقول ايه بس انا نايم بقى وما ليش دعوة بالناس اللي بتصحي. لأ طبعا مش في الدايرة ديت - [00:37:34](#)

فهو بيقول انا عاوز بقى اخده كالاخرين ذا مال وزوج وولد يا جماعة اما يكون معك القرآن وانت يا حبيب قلبي حافز القرآن هو معك خمس ست اجزاء وزميلك ده بينطق كل اللغات - [00:37:45](#)

وبيتلعسم ما بيعرفش يفتح يقرأ ذلك الكتاب لا ريب فيه والله انت معك الفردوس الارضي ومعك الاتصال السماوي معك ما لا آآ مال الدنيا كله بيجي جنبه لكن مشكلتنا ان احيانا بيكون الكنز - [00:37:57](#)

الكنز مفتاح الكنز في جيبيك. وانت بتدور على ايه عاوز تاخذ اه ضوء الليزر من زميلك. هو ده كل اللي شاغلك واحد يقول لك يا ابني مفتاح الكنز ده معك المفتاح في جيبيك - [00:38:17](#)

لأ بس انا عاوز آآ عاوز المفتاح المصدري اللي مع زميلى ده. بتاع العجلة اللي هي العادية دي فنسأل الله العفو والعافية يقول لكنى ما لبست ان قلت شوفوا يا جماعة مهارة التفكير مهم قوي انك تغزى عند ابنك مهارة التفكير لانه يفكر - [00:38:33](#)

يكون عنده اليه تفكير يفك تفكير صحي قال قلت تبا لك يا ربعة تبا لك يعني بيعاتب نفسه. الهلاك لك ايه! انت رايح فين؟ ان الدنيا زائلة شفتم يا جماعة الكتير بينظر للقضية الرزق دي ان هي بطريقة هستيرية - [00:38:51](#)

اصل انا هقول له يا رسول الله ادعى لي ان انا اتجوز طب ما هي ديت يا جماعة انا مش هغادر الدنيا الا لما اخد نصيبي انا مش هغادر الدنيا لما اخد نصيبي انه لن تموت النفس حتى تستوفي رزقها. طب انا هقول له يا رسول الله - [00:39:11](#)

اه اه يسر لي ان انا اتجوز هند. هند ايه وما هي هند دي لو مكتوبة لي في الدنيا ما انا هاخدتها. فيبيجي النبي صلى الله عليه وسلم يقول لي عاوز ايه؟ اقول له - [00:39:27](#)

طب ما هي دي جاية جاية فيقول ان الدنيا زائلة فانية وان لك فيها رزقا كفله الله لك فلا بد ان يأتيك. طب انت عاوز ايه بقى؟ يقول والرسول هو بيقول لنفسه في منزلة عند ربها لا يريد له معها طلب - [00:39:37](#)

تطلب منه ان يسأل الله لك. يسأل الله لك من فضل الاخره هات بقى الحلة التقيلة بقى فشوف دخل فين؟ سبحان الله وطابت نفسي

لذلك واستراحة له فبقول بقى نفسي - 00:39:54

اه قالت لا انت ممكن تاخد في الدنيا ممكن لكن طب ما تاخد حاجة الاخرة احسن وفي الدنيا في كل الاحوال سواء بقى دعوة النبي
صلى الله عليه وسلم ردت قدره جابته لك ولا في النهاية طب انت الدنيا دي كلها وقتها - 00:40:12

قليل يعني شوفوا يا جماعة من يوم ما ربعة مات عدى دلوقتي تقربيا الف وربعمية سنة هو دلوقتي لو كان اتجوز يعني لو كان طلب
مننبي مسكن في حي الصفا - 00:40:28

ونهر يجري من تحت قدمه واحلى اربع زوجات في المدينة. ومائة من ملك اليمين. وكان خد الكلام ده كله في الاخر كان زمانه فقد
الرزق ده الرزق ده كان فقده من الف وربعمية سنة - 00:40:41

صح؟ ده ولسه كمان فدلوقتي هو فين تعالوا نشوف هو ما زال في اسر دعوة رسول الله اللي خدها بقى يقول سم جئت الى النبي
صلى الله عليه وسلم فقال ما تقول يا ربعة؟ - 00:40:57

ومهم قوي يا جماعة انك تتبع اللي انت بينك وبينه ايه حوارات مش بييجي يقول وبعددين يقرب منك كده دي حاجة رابعة؟ لا ما
فيش يعني آآانا جيت يعني - 00:41:14

ايوة مش فاهم يعني انت يعني احنا احنا كاشخاص ممكن نعمل كده. ايوة مش فاهم برضو انت تقصد ايه اصل حضرتك كان في
حاجة كده امبارح طب معلش فكرني كده - 00:41:25

فكرنى انت ليه بتحسني ان انا لست من آآ الناس اللي انت مهتم بها لا رسول الله صلى الله عليه وسلم حاشاه لا يكون هكذا ابدا.
لازم انت تكون ايه في سقف الاولويات - 00:41:37

كل الصحابة كانوا بيحسوا كده فقال له ما تقول يا ربعة؟ فقلت يا رسول الله اسألك ان تدعوا لي الله ان يجعلني رفيقا لك في الجنة
انا عاوزك انا بس - 00:41:52

اذا كان انا في الدنيا ومش عاوز اسيبك فانا بديت افکر افکر افکر بس جت صحبة صالحة اكون معك فالنبي صلى الله عليه وسلم قال
لأ لأ دي كلمة كبيرة دي اكبر من قلبك وعقلك - 00:42:07

واهتماماتك وطموحاتك. فقال له النبي من اوصاك بذلك؟ لأ انت تعال بقى قل لي انت مين اللي جابك الجملة دية عاوزين تعرفوا قيمة
الجملة دي اعملوا مسح شامل كده لاولادكم وقرابيكم ان انتم تعرفوهم - 00:42:23

رمضان كله حياتهم كلها. كل الشباب اللي سنه تالتة اعدادي وانت نازل اكتشفكم واحد منهم في رمضان وهو ساجد ليلة سبعة
وعشرين او ليلة تسعه وعشرين الليالي الفردية وقال اللهم ارزقني رفقة رسول الله في الجنة - 00:42:40

تعرف ان ديت طلب ناس كبيرة دي مش طلبات الناس الصغيرة عشان كده النبي صلى الله عليه وسلم قال له من اوصاك بذلك فقلت لا
والله ما اوصاني به احد ولكنك - 00:43:03

حين قلت لي سلتي اعطيك حدثتني نفسي ان اسألك شيئا من خير الدنيا ثم ما لبست ان هديت الى ايثار الباقيه على الفانية يعني
الاخرة على الدنيا. فسألتك ان تدعوا لي بان اكون رفيقا في الجنة - 00:43:21

شوف يقول ايه بقى فصمت النبي طويلا سكت النبي صلى الله عليه وسلم ثم قال اوغير ذلك يا ربعة؟ طب ما نشوف حاجة تانية
عربال هو ايه خلص رببع رشق. اول ما شاف كده ده شكلها عجبت النبي - 00:43:39

وكمان بيسألني ودي طريقة من طرق ان النبي صلى الله عليه وسلم يجعله يستوثق فيها اكتر. يعني يستشعر كده ابنك بيقول لك ايه
آآ بتقول له انت عاوز ايه فيروح هو يقول لك انا عاوز ايه - 00:44:01

انا عاوزك نروح عند محل كذا ونجيب كذا فتروح انت بقى ايه باصص كده باندهاش لأأ ده مش طلبك انت. انت في حد قال لك صح
شكل فيه حد قال لك ده مستحيل يكون تفكيرك لا يقول لك ده انا اللي قايل - 00:44:19

انت اللي قايل فتروح باصص كده وانت مبتسنم جدا وفي غاية يعني من الانبهار وبعددين تقول له ايه طب ما نشوف حاجة تانية فهو
اصلا بيروح ماسك بایده وسنانه يقول لك لا هي دي بقى - 00:44:35

فيستوتف فيها اكتر ويتمسك بها اكتر فشوفوا النبي صلى الله عليه وسلم لما يعني بهذه الاسئلة يزيد ربيعة تمسكا وجمالا. فقال وغير ذلك يا ربيعة قلت كلا يا رسول الله فما اعدل بما سألك شيئا. خلاص - 00:44:50

وقفت دماغي انا ما عدتش فاكر حاجة اصلا يا رسول الله. انا ما عدتش مش فاهم اصلا. مش فاهم انت بتقول ايه انا خلاص دماغي
قفشت لا اعدل لا اساوي اي شيء - 00:45:17

مع سبحان الله هل انت ممكن تكون دي دعوتك هل انت ياللي سامي وهل انت ياللي سامي ممكن تكون دي دعوتك ممكن
انت كده تكوني بنت في اولى سانوي ودي دعوتك - 00:45:31
وتقولي لا اعدل بها شيئا ان اكون رفيقة فاطمة بت محمد تقول له كده تقول له يا رب انا عاوزة اكون هي دي سبحان الله! هو ممكن
يجي لك في المنام - 00:45:45

ان في ملك او النبي صلى الله عليه وسلم يقول لك سليني عاوزة ايه في بعض الناس ممكن يقولوا ايه؟ ان زوجي محمد يرضي يغير
الشاشة محمد يغير الشاشة اه في ناس ممكن يكون دي طموحها في المنام - 00:46:02

طموحها في المنام ان ماما ما تضفطش علي في المزاكرة ده طموحك يا سبحان الله وممكن انت ت Shawf بقى النبي صلى الله عليه
 وسلم يقول لك سليني بتقول له يا رسول الله - 00:46:18
مراقبتك في الجنة طيب في حاجة تانية طيب لا قول حاجة تانية او غير ذلك تقول له لا اعدل بها شيئا مين اللي يعمل كده يا جماعة
 تتوقعوا صفات مين اللي يعمل كده - 00:46:33

يبكون عامل ازاي ده في الدنيا في الصحيان بيكون عامل ازاي ي تكون في الصحيان عامل ازاي يكون مشغول به يكون مهموم به
 يقول لك من جمال الاذان ان بيزكرني بالنبي العدنان صلى الله عليه وسلم. بيقول لك الاذان ده ميزيته ان هو كل شوية يقول لي محمد
 رسول الله. محمد رسول الله. صلى الله عليه وسلم - 00:46:49

فقال له النبي اذا انت تحتاج شغل ما هي دي درجة عالية بقى فيما ان هي درجة عالية انت لازم تدفع فلازم انك تشتفل معي مش
 بمجرد عارف بعض الناس يقول لك ادعني لي يا شيخ. يعني يقول لك ادعني لي يا شيخ يعني بص يقول لك ادعني لي يا شيخ وهو
 سايب المسجد وماشي. خد تعال طيب. انا هدعني لك اه بس انت - 00:47:16

انت لازم تعمل شغل. ادعني لي ان ربنا يوفقني. ادع لي ان ربنا يجعلني كده انا ومامتي علاقتنا كويسة. ايوه بس حضرتك لازم
 تتحركي يعني غيرك يدعني وانت تتحركي لأنها عاوزة الموضوع يخلص بينك وبين ربنا - 00:47:38
 يعني وانت هتعملني ايه؟ لا انا ما ليش دعوة يعني انت خلصه بينك وبين ربنا ويا رب آآ زوج فلانة وآآ فلانة ديت تبقى كويسة وفلان
 ده بيقى كويس وانا مستنية بقى ايه نتيجة الدعوة - 00:47:52

لأ طبعا ده لو كان محمد هو الذي يدعو لك هيشغلك ، قال اذا اعني على نفسك. نفسك ديت عاملة زي الحاجز احنا عاوزين عارفين
 القفز بتابع الحاجز بتابع الاحصنة الحصان ده - 00:48:04

فاحنا عاوزين نقفز حواجز ده فنفسك دي حاجة عاوزين بقى ايه تيجي عليا معاك عني على نفسك بكسرة السدود وكسرة
 السجود تجعلك م Rafiq للنبي. يعني ايه كسرة السجود يعني نوافل قيام ليل عشان كده ميزة التراويح يا جماعة بتقربيك من مراقبة
 النبي صلى الله عليه وسلم. التراويح عندي عبارة عن ايه؟ التراويح يعني مراقبة محمد صلى الله - 00:48:18
 بتقربي من الهدف ده لان فيها ايه سجادات كثيرة فعشان كده بقى ده الشيخ بيصلی بسرعة يا سيدى ما انت كل سجدة بتقرب من
 حبيبك فيبدأ السجود مرحلة ايه؟ اقتراب - 00:48:44

فجعلت ادب في العبادة لاحضى بمرافقة رسول الله في الجنة كما حظيت بخدمته وصحبته في الدنيا. قلت بس هي دي خلصنا كده
 بقى؟ لأ ما هو قال لك لازم المعروف بتابع محمد يكون ده له حاجة كبيرة اوبي. كده خلاص الموضوع انتهى؟ لأ طبعا هيسيبيه النبي؟ لأ
 طبعا ما سابوهوش - 00:48:58

هي عمل ايه بقى؟ يبدأ يسأله سؤال تاني ويخش معه بقى في تفاصيل حياته الشخصية ويبدأ بقى ايه خلصنا موضوع الایه؟ طلباتك

ا. طب تعال بقى الا تتزوج يا ربیعة؟ الله الله الله ده دخلنا في منطقة تانية خالص - [00:49:21](#)

ده انا كنت ممكن اطلب الزواج يا رسول الله ده انا سبته لأ انا هنكشك بقى واجيبك هنا. الا تتزوج يا ربیعة الطبيعة طبعا هيكون في [زهول جدا وهيبدأ يرد على النبي صلى الله عليه وسلم هنشوف موضوع الزواج ده هيحصل فيه ايه - 00:49:36](#)

ده اللي هنقوله المرة الجایة ان شاء الله. هل ربیعة تزوج؟ ولا قال له لا يا رسول الله مش عاوز اتزوج؟ وهل النبي صلى الله عليه وسلم هيساعدك في موضوع الزواج ده ولا ايه؟ ده اللي هنعرفه المرة الجایة - [00:49:44](#)

ان شاء الله. جزاكم الله خيرا. واسأل الله ان يرزقني واياكم التأسي بهؤلاء. وحسن العمل وحسن الخلق وحسن الختام. جزاكم الله خيرا - [00:49:59](#)